

- *1. وزیر اعظم نریندر مودی نے کہیو ہے جے بھارت مصنو عی ذبانت غا شعبہ مانہہ تیزی سنگ اپنی شناخت بنا رہیو ہے، جس غی دُنیا نے وی تعریف کی ہے۔
- *2. وزیر اعظم نے من کی بات پروگرام غے دوران ہر شعبہ مانہہ خواتین غی نمائندگی غو اعتراف کرتاں واں کہیو ہے جے آئندہ یوم خواتین غا موقع ور وے مُلک غا بکھ بکھ حصاں تیں آئیں متاثر کُن خواتین نانہہ اک روز واسطے اپنا سماجی میڈیا اکاؤنٹ حوالے کریں گا۔
- *3. وزیر اعظم مودی نے چندریان، منگلیان تے آدیتیا ایل اک غا کامیاب مِشناں ور مُلک غی خلائی تحقیقی تنظیم غی تعریف کی ہے۔
- *4. محکمہ موسمیات نے آئندہ 25 تیں 28 فروری توڑی جموں کشمیر مانہہ ہلکی تیں درمیانہ درجہ غی بارشاں تے برفباری غی پیشنگوئی کی ہے۔

خبراں غی تفصیل نال پہلاں باغ علی طاہر۔

PM MKB

وزیر اعظم نریندر مودی نے اج کہیو ہے جے بھارت مصنو عی ذبانت غا شعبہ مانہہ تیزی سنگ اپنی پشان بنا رہیو ہے۔ آکاش وانی ور من کی بات پروگرام مانہہ بولتاں واں وزیر اعظم نے کہیو جے بھارت غا لوک نوی ٹیکنالوجی اپنان تے استعمال کرن مانہہ کسے تیں وی پچھے نہیں ایں۔ وزیر اعظم نے کہیو جے وے پیرس مانہہ حال ہی مانہہ مصنو عی ذبانت ور منعقدہ اک سمیلن مانہہ شرکت غے دوران اِس گل ور خوش تھا جے دُنیا اِس شعبہ مانہہ بھارت غی پیش قدمی غی تعریف کر رہی ہے۔ وزیر اعظم نے کہیو۔۔بائٹ۔ وزیر اعظم مودی نے کہیو جے آئندہ 8 مارچ نانہہ خواتین غو بین القوامی تہاڑو ”ناری شکتی“ نانہہ سلام کرن غو اک خصوصی موقعو ہے۔ وزیر اعظم غو کہنو تھو جے مُلک غی مادری قوت غو مُلک غی آزادی غی لڑائی تے آئین سازی مانہہ وی اک اہم کردار رہیو ہے۔ اُن غو کہنو تھو جے یوم خواتین غا موقع ور وے اپنا سماجی میڈیا اکاؤنٹ نانہہ اک روز واسطے مُلک غا بکھ بکھ حصاں تیں چنی گئیں متاثر کُن خواتین غے حوالے کریں گا۔ اُنہاں نے کہیو۔۔بائٹ۔ وزیر اعظم غو کہنو تھو جے نوجواناں غی بدھتی شرکت مصنو عی ذبانت غا شعبہ سمیت بکھ بکھ سیکٹراں مانہہ نواں انقلاب غی قیادت کر رہی ہے۔ اُنہاں نے اس گل ور فخر غو اظہار کیو جے گذشتہ مہینہ غے دوران مُلک غی خلائی تحقیقی تنظیم اِسرو غی طرفوں 100 ووں راکٹ خلاء مانہہ چھوڑیو گیو ہے۔ وزیر اعظم نے کہیو۔۔بائٹ۔ وزیر اعظم نے اِس گل ور وی خوشی ظاہر کی ہے جے خلائی سائنسداناں غی ٹیم مانہہ خواتین غی نمائندگی ہُن بدھتی جا رہی ہے۔ اُنہاں نے اس گل ور وی خوشی غو اظہار کیو جے خلائی سیکٹر نوجواناں واسطے پسندیدہ بنتو جا رہیو ہے۔ اُنہاں نے کہیو۔۔بائٹ۔

DC Jammu Street Children

جموں غا ڈپٹی کمشنر سچن کمار ویشیا جہڑا جے ضلع غی بچہ ٹاسک فورس غا چنرمین وی این، اُنہاں نے ”پکھ منگن“ آلا شہر مانہہ فر رہیا بچاں نانہہ بچاں تے اُن غی باز آبادکاری غا سلسلہ مانہہ غور غی خاطر اک میٹنگ مانہہ ایڈیشنل ضلع ترقیاتی کمشنر شیر سنگھ تے ڈائریکٹر محکمہ سماجی بہبود روپیش کمار وی موجود تھا۔ کمیٹی غی طرفوں گاندھی نگر، گول مارکیٹ تے بابو پلازہ غا مقامات ورن بچاں غی پکھ منگن غی سرگرمیاں غی نشاندہی کی ہے۔ ڈپٹی کمشنر نے ان بچاں غی بازیابی تے باز آبادکاری غی خاطر فوری ہدایت جاری کرتاں ورن ایسا بچاں غا طبی معائینہ تے بچاؤ غے دوران ایمبولینس غی دستیابی نانہہ یقینی بنان غا وی متعلقہ عہدیداراں نانہہ حکم جاری کیا۔ ان بچاں غی باز آبادکاری نانہہ بدھان غا مقصد سنگ ”پلاش تے پریشا بچاؤ“ کہراں غی رہا نشی صلاحیت نانہہ دُگنو کیو جا نیگو۔ ایس ڈی ایم ز اس سلسلہ مانہہ بچہ مزدوری غو پتو لان غی خاطر سانجو معائینو کریں گا۔

Child Labour

بچہ مزدوری غی بدعت ورن قابو پان غا ارادہ سنگ ضلع انتظامیہ ریاسی نے بکھ بکھ محکمان غا تعاون نال کٹڑھ قصبہ مانہہ اک جامع کاروائی کی ہے۔ اس ٹیم غی طرفوں بکھ بکھ کاروباری اداراں جن مانہہ دکان، ریسٹوران، ڈھابہ، سٹریٹ سٹال تے ورکشاپ شامل این۔ اچانک چھاپا ماریا گیا این۔ اس کاروائی غے دوران 4 لوہکا بچاں نانہہ بازیاب کیو گیو۔ ان بچاں نانہہ طبی معائینہ واسطے لیجایو گیو، تے بعد مانہہ ان نانہہ بچہ بہبود کمیٹی سی ڈبلیو سی ریاسی غے سامنے پیش کیو گیو، تانجے ان غی باز آبادکاری غا اقدام کیا جا سکیں۔ بچہ تھفظ قوانین غی خلاف ورزی غی پاداش مانہہ سخت قانونی کاروائی کی جائے گی۔

مزید خبراں نال محمد مبارک ماہر۔ ورن اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ورن وی دستیاب ہیں، اس (تیں یہ خبر مہاری موبائل ایپ تے ڈی ٹی ایچ ورن وی دستیاب ہیں

Women Peackeepers

نوی دہلی مانہہ پلک تیں ”آمن غا قیام مانہہ خواتین غو کردار“ غا موضوع ورن ایسی خواتین غی پہلی کانفرنس منعقد کی جا رہی ہے۔ وزارت دفاع تے اقوام متحدہ غا آمن غا قیام بارے مرکز سی یو این پی کے غا تعاون سنگ وزارت کارجہ غی طرفوں 2واہ روزہ عالمی کانفرنس منعقد کی جا رہی ہے۔ جنوبی دنیا غا فوجی دستاں مہیا کران آلا 35 ملکاں غی امن غا قیام مانہہ کردار ادا کرن آلی خواتین اس کانفرنس مانہہ شامل وین گی۔ وزیر خارجہ داکٹر ایس جے شنکر سنگ اہم خطاب کریں گا۔ اس عالمی کانفرنس سنگ اہم خطاب کریں گا۔ اس عالمی کانفرنس مانہہ اقوام متحدہ غی نمائندگی اقوام متحدہ غا امن کاروائیاں غا شعبہ غا انڈر سیکریٹری جنرل جین پیرے لیکریاس تے سپیشل کو رڈنیئر کرسٹن سائڈرس کریں گا۔ اس کانفرنس مانہہ شرکت کرن آلی خواتین اس موقع ورن صدر جمہوریہ دروپدی مرمو سنگ وی ملاقی وین گی۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی سی غو پینل بنان خاطر درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیڑا ضلع کٹھوعہ گا بسنیک وین تے اُن غی عمر غی حد 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات نے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ 7 مارچ توڑی دے سکیں۔ اس بارے مزید جانکاری ویب سائٹ

www.newsonair.gov.in

ور دستیاب ہے۔

Animal Husbandry Ramban

ضلع رام بن غو مال چوکھر بارے محکمہ رام بن مانہہ دودھ تے مال چوکھراں غی مصنوعات غی پیداوار تے برآمدات نانہہ بابدو دین غا سلسلہ مانہہ لگاتار کم کر رہیو ہے۔ مویشیاں بارے قومی وباء روک تھام پروگرام (این اے ڈی سی پی) غے تحت مذکورہ محکمہ ڈنگراں، مہیساں، بھیڑاں تے بکریاں نانہہ 100 فیصد ٹیکا لا غے موکھر تے بروسیلا جیسی بیماریاں نانہہ روکن بارے کم کر رہیو ہے۔ پیراں تے منہ غی بیماری اک ویا ئی مرض ہے، جس مانہہ چوکھراں غا کھراں مانہہ چھالا پے غے ان نانہہ بخار چڑ جائے۔ اس نانہہ عام طور ور موخر کہیو جائے۔ ٹیکا کاری غی جاری کو ششائ غو مقصد مال چوکھراں غی صحت نانہہ بہتر بنان غے نال نال پیداواری نقصان نانہہ کہٹ کرن، دودھ تے گوشت غی پیداوار نانہہ بدھان، کساناں غی روزی روٹی غا کاروبار نانہہ فائدو پجان تے غذائی تحفظ نانہہ مضبوط بنانو ہے۔ اس سلسلہ مانہہ مہارا نامہ نگار سنگ گل کرتاں واں ضلع رام بن غا بھیڑ خانہ غا آفسر ڈاکٹر شبیر احمد خان نے اس طرح کہیو۔۔ بانٹ۔۔

Weather

محکمہ موسمیات نے پلک موسم خشک رہن بارے پیشنگوئی کی ہے۔ جد کہ 25 تیں 28 فروری تک اکثر مقامات ور ہلکی تیں درمیانہ درجہ غی بارش تے برفباری ہون غو امکان ہے۔ آکا شوانی جموں غا نامہ نگار نے خبر دتی ہے جے محکمہ موسمیات نے کہیو ہے کہ 24 فروری نانہہ موسم عام طور ور خشک رہن گو امکان ہے جد کہ 25 تیں 28 فروری تک موسم عام طور ور آبر آلود رہ گو۔ جس مانہہ اکثر مقامات ور ہلکی تیں درمیانہ درجہ غی بارش تے برفباری

ری وے گی۔ اس سلسلہ مانہہ محکمہ نے ہدایت دیتاں واں کہیو ہے جے بنیادی طور ر ور سادھنا پاس، رازدان پاس، سونامگر، زوجیلا، گمری ایکسس، مغل روڈ، سنتھن پاس تیں علا وہ جموں کشمیر غا تمام پہاڑی ضلعان غی فوجی سڑکاں ور آمدورفت مانہہ عارضی طور ر خلل پین غو امکان ہے، تے سیلانیاں، مسافراں تے گڈی چالکاں نانہہ صلاح دتی جائے جے وے اس سلسلہ مانہہ منصوبہ بندی غے مطابق ٹریفک رہنما سطور ر ور عمل کریں۔ کساناں نانہہ صلاح دتی جائے جے وے اس مدت غے دوران آبپاشی تے فارم غا دوجا کماں نانہہ روک دیں۔
